

გ ა ნ ც ხ ა დ ე ბ ა

ქალაქ თბილისის მუნიციპალიტეტის მთავრობის 2016 წლის 06 აპრილის N 13.04.297 განკარგულების თანახმად, ქ. თბილისის მუნიციპალიტეტის მთავრობა აცხადებს ქ. თბილისის მუნიციპალიტეტის მომსახურე ბანკის შესარჩევ კონკურსს.

კონკურსის საგანია: ეროვნული ვალუტის ანგარიშზე არსებულ მიმდინარე ნაშთზე დასარიცხი წლიური საპროცენტო სარგებლის განსაზღვრა.

კონკურსში მონაწილეობა შეიძლება მიიღონ საბანკო დაწესებულებებმა, რომლებიც განაცხადის შესაბამისად საკონკურსო კომისიის სამდივნოში წარმოადგენენ კონკურსში მონაწილეობის შესახებ განცხადებას და საკონკურსო დოკუმენტაციას.

1. კონკურსის ჩატარების თარიღად განისაზღვროს 2016 წლის 20 აპრილი 17:00 საათი. კონკურსის ჩატარების ადგილია: ქ. თბილისის მუნიციპალიტეტის მერიის ადმინისტრაციული შენობა, მისამართი: ქ. თბილისი, ქ. შარტავას ქ. N7, მე-20 სართული.

2. კონკურსის ზოგადი პირობები:

ა) საკონკურსო განცხადებისა და დოკუმენტაციის მიღება განხორციელდება 2016 წლის 11 აპრილიდან 2016 წლის 15 აპრილის 18:00 საათამდე. საბუთების მიღება საკონკურსო კომისიის სამდივნოში იწარმოებს ყოველდღე, შაბათ-კვირის გარდა, 09:30-დან 18:00 საათამდე, შესვენება 13:00 საათიდან 14:00 საათამდე. დაგვიანებით შემოსული განცხადება არ მიიღება.

ბ) პრეტენდენტის განცხადებას თან უნდა ერთვოდეს:

ბ.ა) ეროვნული ბანკის მიერ გაცემული საბანკო საქმიანობის შესახებ ლიცენზიის ნოტარიულად დამოწმებული ასლი;

ბ.ბ) ცნობა შესაბამისი დაწესებულებიდან, რომ საბანკო დაწესებულება არ იმყოფება დროებითი ადმინისტრაციის რეჟიმში;

ბ.გ) ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან;

ბ.დ) ცნობა მეწარმეთა და არასამეწარმეო (არაკომერციული) იურიდიული პირების რეესტრიდან საჯარო სამართლებრივი შეზღუდვის არ არსებობის შესახებ;

ბ.ე) საკონკურსო პირობების შესრულების უზრუნველყოფის ორთვიანი უპირობო გამოუთხოვადი წერილობითი დოკუმენტი, რომლითაც ბანკი იღებს ვალდებულებას კონკურსში გამარჯვებულად გამოცხადების შემდეგ ხელშეკრულების გაფორმებაზე უარის თქმის შემთხვევაში გადარიცხოს ქალაქ თბილისის მუნიციპალიტეტის მერიის სახაზინო ანგარიშზე 1 000 000 (ერთი მილიონი) ლარი;

ბ.ვ) საბანკო დაწესებულების უფლებამოსილი პირის ან მისი წარმომადგენლის მონაწილეობის შემთხვევაში, წარმომადგენლობაზე უფლებამოსილების დამადასტურებელი დოკუმენტის და პირადობის დამადასტურებელი დოკუმენტის ასლი;

ბ.ზ) პრეტენდენტის მიერ წარმოდგენილი წინადადება, რომელიც უნდა შეესაბამებოდეს კონკურსის ძირითადი პირობებს (დანართი N2), რომლის ყველა გვერდი უნდა იყოს ხელმოწერილი უფლებამოსილი პირის მიერ, რომელიც კომისიის სამდივნოს ბარდება დალუქული ფორმით. პრეტენდენტი შეზღუდული არ არის ძირითადი პირობებით დადგენილზე უკეთესი პირობა შესთავაზოს საკონკურსო კომისიას. პრეტენდენტს არ აქვს უფლება ძირითადი პირობები გააუარესოს.

გ) პრეტენდენტის განცხადება და თანდართული დოკუმენტაცია წარმოდგენილ უნდა იქნეს ორიგინალის (დედანის) სახით ან ნოტარიულად, მოქმედი კანონმდებლობის შესაბამისად დამოწმებული ასლის სახით.



დ) პრეტენდენტის განცხადება და თანდართული დოკუმენტაცია წარმოდგენილი უნდა იყოს საქართველოს სახელმწიფო ენაზე. უცხოურ ენაზე შესრულებული დოკუმენტი ნოტარიულად დამოწმებული თარგმანის სახით.

ე) პრეტენდენტი კონკურსზე დაიშვება „ბ“ პუნქტით გათვალისწინებული დოკუმენტაციის საკონკურსო კომისიის სამდივნოში, განცხადებისა და დოკუმენტაციის მიღების ვადაში, სრულად წარმოდგენისა და რეგისტრაციის შემთხვევაში.

ვ) პრეტენდენტი, „ბ“ პუნქტით გათვალისწინებული დოკუმენტაციის დაგვიანებით წარმოდგენის შემთხვევაში, კონკურსზე არ დაიშვება;

ზ) კონკურსი ჩატარებულად ჩაითვლება, თუ ერთი მონაწილე მაინც მიიღებს კონკურსში მონაწილეობას.

თ) კონკურსი ჩატარდება ერთ ტურად.

ი) კონკურსის შედეგები გამოცხადდება საჯაროდ - ვებ-გვერდზე - www.tbilisi.gov.ge-ზე.

კ) კონკურსში მონაწილეობისათვის წარსადგენი დოკუმენტების მიღება იწარმოებს ქ. თბილისის მუნიციპალიტეტის მერიის ადმინისტრაციულ შენობაში, მისამართზე: ქ. თბილისი, ყ. შარტავას ქ. N7, მე-12 სართული, ოთახი N1200, ტელ: 032 237 82 57 ან 032 237 81 56.

შენიშვნა: პრეტენდენტი სრულიად აგებს პასუხს მის მიერ წარმოდგენილი დოკუმენტების უტყუარობაზე.

კონკურსის ძირითადი პირობები

კონკურსის საგანია: ეროვნული ვალუტის ანგარიშზე არსებულ მიმდინარე ნაშთზე დასარიცხი წლიური საპროცენტო სარგებლის განსაზღვრა.

გამარჯვებული საბანკო დაწესებულება იღებს ვალდებულებას ქ. თბილისის მუნიციპალიტეტს გაუწიოს ხარისხიანი საბანკო მომსახურება წინარე დოკუმენტით გათვალისწინებული მოთხოვნის და დამატებით შემოთავაზებული მომსახურების შესაბამისად.

მიმდინარე ანგარიშებზე ეროვნულ ვალუტაში არსებულ ნაშთზე მინიმალური დასარიცხი წლიური სარგებელი არანაკლებ - 12.5 პროცენტი.

საბანკო მომსახურება:

1. ანგარიშის გახსნის, ფულადი სახსრების გადარიცხვის, ოვერდრაფტის და სხვა საბანკო ოპერაციები:

მულტისავალუტო ანგარიშების გახსნა - უფასო;

ნაღდი თანხის შემოტანა ანგარიშზე - უფასო;

საბანკო ანგარიშებიდან ნაღდი თანხის გატანა ეროვნულ და უცხოურ ვალუტაში სერვის ცენტრებიდან, ფილიალებიდან და ბანკომატებიდან - უფასო;

თანხის გადარიცხვა ეროვნულ ვალუტაში, როგორც ბანკის სისტემაში, ისე ბანკის სისტემის გარეთ - უფასო;

თანხის გადარიცხვა უცხოურ ვალუტაში, როგორც ბანკის სისტემაში, ისე ბანკის სისტემის გარეთ - უფასო;

პროცენტის კაპიტალიზაცია უნდა მოხდეს ყოველთვიურად თვის ბოლო რიცხვში.

ვალუტის დაზიანებული კუპიურის შეცვლა - უფასო;

ვალუტის გაცვლითი ოპერაციები (კონვერტაციის) საკომისიო - 0 %;

ამონაწერის მიღება - უფასო;



დაუმოწმებელი დოკუმენტური აკრედიტივის გახსნა - უფასო.

2. დისტანციური საბანკო მომსახურება (ორგანიზაციისათვის და თანამშრომლებისათვის):

- ინტერნეტ ბანკის პროგრამაში რეგისტრაცია - უფასო;
- ინტერნეტ ბანკის პროგრამაში მომსახურება - უფასო;
- ინტერნეტ ბანკით აქტიური ოპერაციების წარმოება - უფასო;
- ინტერნეტ ბანკით მერიის პასიური ოპერაციების წარმოება - უფასო;
- თანამშრომელთათვის SMS ბანკი: რეგისტრაცია - უფასო;
- თანამშრომელთათვის SMS ბანკი: მომსახურება - უფასო;
- ონლაინ გადახდები: რეგისტრაცია - უფასო;
- ონლაინ გადახდები: მომსახურება - უფასო;
- მუდმივი საგადასახადო დავალება: რეგისტრაცია - უფასო;
- მუდმივი საგადასახადო დავალება: მომსახურება - უფასო;
- ავტომატური გადახდები: რეგისტრაცია - უფასო;
- ავტომატური გადახდები: მომსახურება - უფასო.

3. თანამშრომელთა სახელფასო პროგრამით მომსახურება:

- საერთაშორისო პლასტიკური ბარათის გადაცემა თანამშრომელთათვის:
 - რიგით თანამშრომლებს - VISA/MASTERCARD CLASSIC;
 - სტრუქტურული ერთეულის ხელმძღვანელებს, გამგებლებსა და საკრებულოს წევრებს - VISA/MASTERCARD GOLD;
 - მერს, ვიცე-მერს და მერის მოადგილეებს - VISA/MASTERCARD PLATINUM;
- ბანკთან შეთანხმებით შესაძლოა ცალკეულ თანამშრომლებს დაუმზადდეთ ზემოთ აღნიშნული ან/და განხვავებული ტიპის პლასტიკური ბარათები.
 - ანგარიშის გახსნა - უფასო;
 - პლასტიკური ბარათის მოქმედების ვადა არანაკლებ - 2 წელი;
 - პლასტიკური ბარათის დამზადებისა და მომსახურების ღირებულება - უფასო;
 - მინიმალური ნაშთი არ მოითხოვება;
 - ბარათის დამზადება ვადის გასვლის შემდეგ - უფასო;
 - დამატებითი ანგარიშის ვალუტა (ეროვნული ვალუტა, აშშ დოლარი, ევრო, ბრიტანეთის ფუნტსტერლინგი);
 - მინიმალური ნაშთი - არ მოითხოვება;
 - განაღების დღიური ლიმიტი: ბანკომატიდან - არანაკლებ 1500 ლარისა, ხოლო სერვის ცენტრიდან - ულიმიტო;
 - ყიდვის (ხარჯვის) დღიური ლიმიტი - ლიმიტის გარეშე;
 - განაღების საკომისიო საკუთარ ბანკომატებში - უფასო;
 - განაღების საკომისიო საკუთარ სერვის ცენტრებში - უფასო;
 - განაღების საკომისიო პარტნიორი ბანკების ბანკომატებში - უფასო;
 - განაღების საკომისიო POS ტერმინალებისა და იმპრინტერების მეშვეობით - უფასო;
 - განაღების ლიმიტი POS ტერმინალებისა და იმპრინტერების მეშვეობით - უფასო;
 - ლოკალურ სტოპ-სიაში შეტანა - უფასო;
 - დაკარგული ან დაზიანებული ბარათის აღდგენა - უფასო;
 - საკომისიო განაკვეთი სავაჭრო ობიექტებში - საკომისიოს გარეშე;
 - ანგარიშის მომსახურების ყოველთვიური საკომისიო - უფასო;
 - სხვა მომსახურება - სატელეფონო ცენტრის მომსახურება - 24 საათის განმავლობაში.

4. სხვა პირობები

კონკურსში გამარჯვებულის შესახებ გადაწყვეტილების მიღებიდან არაუგვიანეს 14 დღისა გამარჯვებული აფორმებს ქალაქ თბილისის მუნიციპალიტეტთან ხელშეკრულებას საბანკო მომსახურების შესახებ;



გამარჯვებული იღებს ვალდებულებას ხელშეკრულების გაფორმებიდან არაუგვიანეს ერთი თვისა ქალაქ თბილისის მუნიციპალიტეტის ადმინისტრაციულ შენობებში, წინასწარ შეთანხმებულ და შერჩეულ ადგილებზე, კანონმდებლობით დადგენილი წესით, განათავსოს 15 ბანკომატი და ერთი სერვის ცენტრი ქალაქ თბილისის მუნიციპალიტეტის მერიის ადმინისტრაციულ შენობაში (ქალაქ თბილისი, ქ. შარტავას ქ. N7). 15 (თხუთმეტი) ბანკომატის განთავსების ფართის საიჯარო ქირა წელიწადში შეადგენს - 7740 (შვიდიათასშვიდასორმოცი) ლარს, ხოლო სერვისცენტრის - 4920 (ოთხიათასცხრასოცი) ლარს.

ხელშეკრულების მოქმედების ვადა ხელშეკრულების გაფორმებიდან განისაზღვრება ერთი წლის ვადით. ხელშეკრულება ჩაითვლება გაგრძელებულად იმავე პირობებით, თუ მხარეები არანაკლებ ერთი თვით ადრე არ განაცხადებენ ხელშეკრულების შეწყვეტის თაობაზე.

ხელშეკრულების ვადაზე ადრე შეწყვეტა შესაძლებელი იქნება:

- მხარეთა ურთიერთშეთანხმებით;
- ნაკისრი ვალდებულებების შეუსრულებლობით;
- კანონმდებლობით გათვალისწინებულ სხვა შემთხვევაში.

პრეტენდენტებმა ძირითად პირობებთან ერთად, დამატებით უნდა წარმოადგინონ ქალაქ თბილისის მუნიციპალიტეტის თანამშრომლებისათვის შესათავაზებელი მომსახურების პაკეტი, რომელიც განხილულ იქნება კომისიის მიერ.

გამარჯვებული იღებს ვალდებულებას იგივე საბანკო მომსახურების პირობებით გაუწიოს მომსახურება ქალაქ თბილისის მუნიციპალიტეტის მიერ შექმნილ საჯარო სამართლის იურიდიულ პირებს, არასამეწარმეო (არაკომერციული) იურიდიულ პირებსა და ქალაქ თბილისის ადგილობრივი თვითმმართველობის მიერ 50 %-ზე მეტი წილობრივი მონაწილეობით დაფუძნებულ კერძო სამართლის იურიდიულ პირებს, მათ მიერ სურვილის გამოთქმის შემთხვევაში.

